



古今事文類聚

新集
四之卷

X
99
72

逍遙文庫
文庫 6
28
72





新編古今事文類聚新集卷之四

南江 富大用 時可 編

金陵 唐富春 子和 刊

省官部

尚書省

歷代沿革 尚書省猶唐虞大麓之職也書納於大麓王肅注云堯納舜於尊顛之官大錄萬機之政周官司書鄭玄云若今尚書秦時少府遣吏四人在殿中主發書故謂之尚書尚猶主也有尚書令尚書僕射尚書丞至漢武帝時左右曹諸史分平尚書奏事知樞密者始領尚書事昭帝時霍光以太將軍領尚書事成帝初王鳳以太司馬師丹以左將軍並領尚

書事後漢章帝以太傅趙熹太尉牟融並錄尚書事尚書有錄名自熹始和帝時太尉鄧彪為太傅錄尚書事位上公在三公上漢制遂以為常每少帝立則置太傅錄尚書事猶古冢宰總已之義薨輒罷之漢初尚書雖有曹名不以為號及靈帝以待中梁鵠為選部於是始有曹名總謂之尚書臺亦謂之中臺大事八座連名而有不合得建異議一漢皆屬少府魏晉以後亦公卿權重者為之自置中書省有監令掌儀衡之任而尚書之權漸減矣宋曰尚書寺居建禮門內亦曰尚書省亦謂之內臺事梁陳舉國機要悉在中書獻納之任又歸門下而尚書但聽命受事而已後魏天興元年置八部大夫於皇城四方四維以擬八座謂之八國各有屬官分尚

書二十六曹及諸外置令大夫主之四年又復尚書二十六曹天賜元年後罷別置武歸修勤二職分主省務神唐元年始置僕射左右丞及諸曹尚書十餘人各居別寺北齊尚書省亦有錄令僕射總理六尚書事謂之都省亦謂之北省後濟北王以太子監國立大都督府與尚書省分理眾事仍開府置佐後周無尚書隋高祖時尚書省事無不總置令左太僕射各一人總吏部禮部兵部都官度支工部等六曹事是為八座屬官左右丞各一人都事八人分司管轄舊制略同尚書省都堂居中左右分司堂東有吏戶禮三行每行四司左司統之西有兵刑工三行每行四司右司統之凡二十四司分曹共理而天下之事盡矣龍朔二年改尚書省為中臺

咸亨初復舊光宅元年改為文昌臺垂拱元年又改為都臺
咸通初復舊長安三年又改為中臺神龍初復為尚書省亦
謂之南省宋朝尚書省掌六曹諸司文書施行制命舉省內
紀綱程式正御史糾不當者聽內外枉屈辨訐凡六曹不能
決者總而決之 **元**參用古制建尚書省總領紀綱儀刑端
禁置尚書令左右丞相及平章政事二人任宰相之職掌丞
天子平章萬機其屬有左丞右丞及參知政事二人執政之
官為宰相之貳佐治省事又有左司掌總察吏戶禮三部受
事付事右司掌總察兵刑工三部受事付事二司各有郎中
員外郎都事等員在外別置行省

尚書要語輔位明堂遺象麟閣 漢謝朓表 尚書職居天官政化

之本

南齊詔

尚書百官之本國家樞機

六典

尚書萬事之本王

化所由宜參貳親賢以康庶政

晉穆帝詔

天下樞要在於尚書

韋彪傳

文昌大府

晉百官表注

堯試舜於大麓者領錄天下事

如今之尚書宜得大賢乃可使處議持平焉

桓譚新論

陛下之

有尚書猶天之有北斗也斗為天喉舌尚書為陛下喉舌斗斟

酌元氣運平四時尚書出納王命賦政四海

東漢李固疏

詩句尚書北斗尊

顏真卿集

德履星辰北斗寒三能只隔片雲

間周家冢宰均四海漢制尚書本百官

楊誠齋詩

古今事實

都堂居中

唐制尚書省都堂居中左右分司堂東西凡二十四司分曹共

詳見前沿革

制勅用黃

唐高宗時勅曰制勅施行既為永式比用白紙各有蠹蟲自今尚書省頒下諸州縣並用黃紙

百官總已

太尉鄧彪元勲之族三讓彌高海內歸仁為羣賢首聰明康強可謂老成人矣其以彪為太傅錄尚書事百官總已以聽漢和帝策書

三公絕席

張禹拜太傅錄尚書鄧太后以殤帝初育欲令重臣居禁內乃詔禹舍宮中給帷帳牀褥太官朝夕進食五日一歸府每朝贊

與三公絕席

謹慎周密

前漢張安世拜太司馬車騎將軍領尚書事職典樞機以謹慎周密自著外內無間嘗有所薦其人來謝安世以為舉賢建能豈有私謝邪絕弗復通有郎功高不調自言安世應曰君之功高明主所知人臣執事何長短而自言乎絕不許已而郎果遷又幕府長史遷辭去之官安世問以過失長史曰將軍為明主股肱而士無所進論者以為議安世曰明主在上賢不肖較然臣下自脩而已何知士而薦之其匿名迹遠權勢如此本傳

中正弘遠

晉元康元年詔司徒王渾秉德中正識量弘遠歷位內外文武

勲庸著在方策宜參弼機衡以亮天子其令錄尚書事晉書

三人參錄

太尉趙峻二世掌典機衡有匪石不貳之心太司農李固公侯之苗忠直不阿有史魚之風今以峻為太傅固為太尉與太將軍冀參錄尚書事

東西二錄

晉宗室會稽王道子進位丞相錄尚書假節都督中外諸軍事勢傾天下道子世子元顯又加錄尚書事道子政無大小二委元顯時謂道子為東錄元顯為西錄

典職六年

童帝詔曰司空牽融典職六年勤勞不怠其以牽融為太尉錄

尚書事

典樞十年

孔光領尚書事凡典樞機十餘年守法度修政事不希旨苟合

志誅曹節

竇后臨朝以陳蕃為太傅錄尚書事蕃與后父大將軍竇武同心盡力徵用名賢共參政事志誅常侍曹節等以其誦事太后多行貪虐天下之士莫不延頸相望太平及事漏曹節矯詔誅武等蕃遂見害

耻為魏臣

魏楊彪為太尉錄尚書事及李傕郭汜之亂彪盡節為主崎嶇危難之間幾不免於害見漢符命將終自以累世為三公耻為

事文類彙編

魏臣遂稱足疾不復行積十餘年魏文帝即王位欲以為太尉令近臣宣旨彪辭曰嘗以漢朝為三公值危亂不能立尺寸之益若復為魏臣於國之選亦不為榮也帝不奪其意

劔履上殿

汝南文成王亮為太宰錄尚書事入朝不趨劔履上殿增掾屬十人與太保衛瓘對掌朝政

讚拜不名

晉泰和元年詔會稽王朕承洪緒乃聞善誘慎徽五教儀刑具瞻其以豈為丞相錄尚書事入朝不趨讚拜不名劔履上殿給羽葆鼓吹班劔六十人

暴風拔木

北海王祥初遷大將軍錄尚書事祥已拜命其夜有暴風震電拔木倒立識者知其不終後魏書

天火示災

東晉元興元年舍下火是時指言用事出鎮姑孰名雖在外實選錄尚書故天火示不復用也徽祥記

古今文集

雜著

尚書省謝車駕臨幸表

林希

天臺肇建具崇曠古之司帝車下臨增重陛簾之寄非常之舉視古無偏恭惟皇帝陛下天縱多能日新盛德剷除眾弊裁制萬微考先王之董治官立尚書以為政本紀綱條理見微旨

皇天不負...

於新書初作規模別彼司於著位蓋慮之積年而成於茲日聞諸前世而驗於方今忽紆清蹕之傳采登鴻都之觀且北辰居極外環象斗之官而黃道所經及精星之位瞻威顏於咫尺披法語之丁寧執以在公退而交倣分曹帥屬燦然周典之文望輦拜恩陋彼漢郎之嘆矧復宗藩旅進禁從相趨凡獲待於宸遊皆預窺於聖作歡聲載溢慶榮遇於一時信史傳書流美談於萬世臣等叨膺重任久負明恩顧懷構位之慙第劇逢辰之幸敢忘策勵期稱寵臨

尚書令

歷代沿革秦置令丞屬少府漢因之武昭之後其任稍重宣帝時任中尚書官元帝時弘恭石顯相繼為中書令元帝被疾

不親政事遂委任焉及蕭望之領尚書事知顯專權建言以為尚書百官之本國家樞機宜以通明公正處之武帝遊宴後庭始用宦者非古制請罷中尚書中書與尚書奏事故連言之及光武親總吏職權歸尚書三公但受成事而已自魏至晉未嘗秩皆千石品並第二梁加秩中二千石班第十六陳加品至第一後魏比齊及隋品皆第一唐因之太宗初為秦王署尚書令其後人臣莫敢為遂廢其官其國政樞密皆委中書至祚宗以親賢有大勳遂特拜尚書令五代梁開平三年詔升尚書令為正一品宋朝因之元尚書令一人正一品

羣書要語總百官之得失管王政之開塞者端右之職也晉書

國家司總括百揆憲範王猷式是群辟故必簡德而拔量才而受謝石疏百揆之首總參機衡出納朝政治績之所由也晉起居注

王猷王猷允塞四海咸休雖聖雖明必賴良才無曰我智官不能任發言如絲其出如綸千里之應樞機在身整虞尚書議

原帶地資緒極天王或謝開封尚書令表揚職萬機總任百揆

權衡庶物準的群僚可以助日月之光華增天地之高厚北齊刑子才謝表

尚書掌出納王命敷奏萬機令總統之隋百官志

天府文昌萬方之數天官冢宰無所不統禮尊三獨事總百揆江總議表

昔之冢司今日端揆同上司會治本冢宰朝端摺紳

所屬儀刑攸在同上八座比於文昌二丞方於管轄苟非稱職

竊位與譏劉自知北斗為天之喉舌尚書陛下之喉舌李固疏

八座之學百揆之首白帖

古今事實

端揆官

漢光武親總吏職天下事皆上尚書與入主參決乃下三府尚書令為端揆之官

三獨坐

後漢尚書令主贊奏事總領紀綱無所不統與司隸校尉御史中丞朝會皆專席而坐京師號曰三獨坐

能識亡書

前漢張安世以父任為郎天子行幸河東嘗亡書二篋詔問莫能識亡書

能知唯安世識之後購求得書以相校無所遺失奇其材擢為尚書令

明習故事

漢侯霸字君房光武徵霸與車駕會壽昌拜尚書令時無典故朝廷又少舊臣霸明習故事收錄遺文條奏前世刑政法度有益於時者皆施行之○漢黃瓊字世英遷尚書令明習故事號為富贍

直言無撓

漢申屠剛為尚書令謇謇直言無所屈撓

駁議合意

後漢宋約為尚書令忠正直言數納策謀每駁議未嘗不為上

意本傳

臺閣舊習

漢黃香遷僕射月餘為尚書令增秩二千石上惜其幹用臺閣舊習遂見尊重香亦勤力憂公畏慎周密每月奏議所建書未見流布者

宮闕故事

陳忠為尚書令數進忠言辭旨弘麗前後所奏悉條於宮闕為故事

言旨切直

任昉為尚書令職典樞機竭忠於國數條便宜譏刺時政以補闕失言旨切直

清儉履道

晉太熙元年詔曰夫總百揆之得失管王政之開塞者端右之職也自漢以來每選此官常慎其人議郎王戎清儉履道庸勲已著于已試其以戎為尚書令

頭軛輿輪

後漢申屠剛遷尚書令光武嘗欲出遊剛以隴蜀未平不宜宴安逸豫諫不見聽遂以頭軛乘輿輪遂止

諫回帝車

陳矯為尚書令明帝幸至尚書門矯問曰陛下欲何之帝曰欲案行文書爾矯曰此臣職分非陛下所宜臨若不稱職則請就黜帝慙回車

不接賓客

陳蕃為豫章太守性方峻不接賓客徵為尚書令選者不出

不阿豪勢

楊惟拜尚書令平心正直選舉高妙進善嫉惡不阿豪勢

皆慎選舉

左雄為尚書令限年四十九先試經然後舉孝廉故雄為令在位者各肅清時稱曰左伯豪為尚書天下皆慎選舉

每擢英俊

衛良拜尚書令每當選舉拔擢天下英俊及二千石長吏功次者用之

斯邪截曲

劉祐拜尚書令。正身機密。剪邪截曲。不撓狂臣。

旌賢退惡

羊陟拜尚書令。明審選舉。旌賢退惡。

治身無嫌

察匡正

唐約字仲謙。拜尚書令。自典樞機。數有直言美策。以補益主上。每作表疏。皆手自書之。處官任職。不言貨利之事。當公執法。不阿所私。京師號曰治身無嫌。唐仲謙。

厥德仁明

郭賀字喬卿。為尚書令。百姓歌之曰。厥德仁明。郭喬卿。忠正朝廷。上下平。

號為清能

呂文舉。李陽代董九為尚書令。庶事無留。門無停賓。又歷職內外。治身儉約。為政不煩。號為清能。然持法刻深。外用俗吏。故聲名損於郡縣時。

為世名公

晉裴秀為尚書令。創制朝儀。廣陳刑政。朝廷多遵用之。以為故事。在位四載。為當世名公。

二令君美

荀彧守尚書令。課試令史以下。覈其才能。有闇於文法。不能決疑處事者。即時遣出。帝嘗謂曰。魏武帝言荀文若之進善。不進不止。荀公達之退惡。不退不休。二令君之美。亦望於君也。

三日猶香

荀彧為尚書令持節特堅坐不累席其在臺閣不以私意撓公
劉季和嘗曰荀令君至人家坐處三日香

焚毀故案

魏荀彧為尚書令嘗以書陳事臨薨皆焚毀故案奇策密謀不
得盡聞非正道不用名重天下莫不以為儀表海內英俊咸宗

停滯庶事

蜀費禕字文偉代蔣琬為尚書令時戰國多事眾務煩猥禕識
寤過入每省讀書記舉自整視已究其意旨其速數倍於人終
亦不忘嘗以朝晡聽事其間抄納賓客嬉戲博奕每盡人之歡
事亦不廢董允代禕為尚書令旬日之間事多停滯允乃嘆曰
人才力相懸若此非吾所及

飛白題壁

宋王僧虔為尚書令為飛白書題尚書壁曰圓行方止物之定
質修之不已則溢高之不已則躓引之不已則遺是故去之宜
疾當時嗟賞以比座右銘

高蟬趨帳

梁何敬容為尚書令專預機密後以罪免職復為金紫光祿大
夫未拜又加侍中敬容舊時賓客門生喧譁如昔會稽謝郁致
書戒之曰昔君侯納言加首鳴玉在腰回豐貂以步文昌尊高
蟬而趨武帳不以此時薦才拔士少報聖王之恩今人猶有踵
君侯之門者未必皆感惠懷仁冀君侯之復用也君侯宜杜門
念矣無有所通

賜劔書名

鄧壽為尚書令。壽為僕射。章帝賜諸尚書劔。惟壽等二人手自著姓名。尚書令韓稜楚龍淵僕射鄧壽。

乘車就席

齊謝朓徵為司徒尚書令。朓辭脚疾不堪謁。仍角巾自輿詣雲龍門。既見乘小車就席。

儀體王立

山濤啟事尚書令李胤。遷處缺宜得其人。征南將軍羊祜體儀王立。可以整肅朝廷。

尖頭筆公

後魏古弼為尚書令。太武大閱將校獵於河西。弼留守。詔以肥

馬給騎人弼命給弱者。太武大怒曰。尖頭奴敢裁量朕也。還臺先斬此奴。弼頭尖。太武常名之曰筆頭。時人呼為筆公。屬官惶怖懼誅。弼告之曰。吾謂事君使田獵。不逼盤遊。其罪小也。不備不虞。使戎寇逸。其罪大也。今比狄孔熾。南虜未滅。校馬之志。窺伺邊境。是吾憂也。故選肥馬備軍實。為不虞之慮。苟使國家有利。吾寧避死乎。太武聞而嘆曰。有臣如此。國之寶也。

何為復讓

晉王述每得官。無所辭。為尚書令。子坦之勸讓。述曰。汝言我不堪邪。坦曰。非也。但克讓自是美事耳。述曰。既云堪。何為復讓。

復表不受

唐代宗以郭子儀為尚書令。子儀讓以太宗昔居此官。累聖相

承曠而不置。詔不允。勅令宰相百官於尚書省送。上子儀復表讓不受。

空國竹意

桓溫素忌殷浩。因其北征軍敗。乃上疏請擯浩於菴齋。竟坐廢為庶人。後溫復欲以浩為尚書令。遣書告之。浩欣然許之。將答書。慮有謬誤。開閉者數十。竟遺於兩。大忤溫意。由是遂絕。

書名見嘲

何敬容為尚書令。貪恡為時所強鄙。其書名敬字。則大作苟小。為文容字。則大為父。小為口。陸倕戲之曰。公家苟既奇大。父亦不小。敬容遂不能答。又為漏禁中語。故嘲謂且至嘗有客姓吉。敬容問卿與郎古遠近。客答曰。如明公之與蕭何。

古今文集

雜著

除呂蒙正尚書僕射制

邦國政治。益出於中樞。朝廷紀綱。盡歸於會府。矧乃端揆之任。聿居師長之崇。苟非台鉉之賢。曷慰搢紳之望。具官呂蒙正。挺生英氣。符合昌期。自先夢卜之求。遂荷鹽梅之寄。謨明匪懈。亮直不渝。爰自天官。再持政柄。泊和鼎實時。維老成朕欽。若不圖建用。皇極雖彌綸。大體固未協於康哉。而勵翼小心。亦備觀於勤止。頗鬱隆年之望。且均勞逸之功。長是中臺式茲百辟。

行尚書省 見後行省

新編古今事文類聚新集卷之五

南江

富大用

時可

編

金陵

唐富春

子和

刊

都省部

中書省

歷代沿革魏黃初初改秘書省為中書省武帝以秘書并中書省南齊中書省職置主書令史梁中書省監令各一人後齊中書省管司王言及司進御之音樂并司檢官又領舍人省掌署勅行下宣音勞問隋內史省監令各一人煬帝大業十一年改內史省為中書省唐武德三年改內書省曰中書省龍朔元年改曰西臺光宅元年改中書省曰鳳閣開元元年

改中書省曰紫微省時謂尚書省為南省門下中書為北省亦謂門下為左省中書為右省或通謂之兩省宋中書省掌進擬庶務宣奉命令除授省臺寺監長貳館閣帶職提舉官已上臺諫章奏臣僚陳請興革廢置及內外取旨之事又有尚書省門下省謂之三省元初有尚書省續以中書省為都省有中書令右丞相左丞相平章重事平章政事右丞左丞參知政事簽書省事斷事官左右司郎中員外郎都事管勾承發司照磨經歷知事管勾在外又置行中書省至元二十四年復改為尚書省

古今事實

有瑞柳樹

呂潛授禮部侍郎中書省有柳樹建中末枯从興元元年車駕

還京後其樹再榮人謂之瑞柳樹潛試進士取瑞柳為題上聞而嘉之

謂鳳凰池

中書省地在樞近多承寵任是以人固其位謂之鳳凰池通典為東西臺

治平二年祖無擇言門下中書與尚書二省其長官皆宰相之任今乃左省在西右省在東不可乞將中書省與門下省對移唐龍朔中嘗改左右省為東西臺

曰左右曹

漢應邵官儀曰左右曹受尚書事前世文士以中書在右因謂中書為西曹又稱西掖

古今文集

古詩

贈徐幹詩

劉楨

誰謂相去遠，隔此西入垣。拘限清切禁，中情無由宣。

直中書省詩

謝玄暉

紫殿肅陰陰，彤庭赫弘敞。風動萬年枝，日華承露掌。玲瓏結綺
錢深沈，映珠網。紅藥當階翻，蒼苔依砌上。茲言翔鳳池，鳴璫多
清響。信美非吾室，中園思復仰。明情已鬱陶，春物方駘蕩。安得
凌風翰，聊恣山泉賞。

中書郎詩

卞伯玉

大方信包含，優渥遂不已。躡麟龍鳳池，揮翰紫宸裏。

行省

歷代沿革自魏晉有之謂之行臺魏末晉文帝時諸葛誕散騎
常侍裴秀尚書僕射陳泰黃門侍郎鍾會以行臺從晉永嘉
四年東海王越帥眾許昌以行臺自隨後魏亦置行臺孝武
永熙三年罷諸行臺尋詔復以渤海王高歡為大行臺隨機
裁處後齊亦皆隨權制而置負焉隋置行臺省有尚書令僕
射都事侍郎等負蓋隨其所管之道置於外州謂之行臺尚
書省唐武德初以諸道軍務事繁分置行臺尚書省負觀以
後廢後諸道只各置採訪等使兼判尚書事蓋行臺之遺制
也宋無行臺省元外道置行省有左右丞參政僉行省斷
事官同僉省咨議郎中負外郎都事照磨管勾

羣書要語匡維將士鎮撫疆場儲積器用愛活黎民隱若敵國
顏氏家訓張道携為晉州行臺左丞

古今事實

理邊民冤

北齊武定八年辛術為東南道行臺東徐州刺史郭志殺郡守
文宣聞之勅術曰江淮初附百姓難向京師留卿為行臺欲理
邊民冤枉監理牧守自今以後所統十餘州地諸有犯法刺史
先啓聽報以下先理後表齊代行臺兼總民事自術始也

有王佐才

北史蘇綽為周文帝行臺郎中在官歲餘未見知臺中咸稱其
能僕射周慧達稱其有王佐才時文帝與公卿往昆明池觀魚

至漢故蒼池顧問左右莫有知者或曰蘇綽博物乃召問綽應
對如流文帝嘉之乃令綽並馬至池及夜還留綽問以政道臥
而聽之文帝乃起整衣危坐不覺膝之前席語遂達曙詰朝
謂周惠達曰蘇綽真奇士也即拜大行臺左丞泰典機密自是
寵遇日隆

辨槽解圍

獨孤承業後主時為河陽道行臺僕射落州刺史周武帝親攻
金墉承業出兵禦之曰是何達官作何行動周人曰至尊自來
主人何不出看客承業曰客行急速是故不出乃連夜解馬槽
二千周人聞之以為大將軍至乃解圍去

備艇全橋

北齊張亮為行臺左丞高仲密之叛也與斛律金守河陽周太祖於上流放火船燒河橋亮乃備小艇百餘艘皆載長鑊鑊頭施鉤火船將至即馳小艇以鉤鉤之分鑊向岸船不得及橋之獲全亮之力也

專制河南

侯景為南道大行臺位司徒言於神武曰恨不得兵三萬橫行天下要須濟江縛取蕭衍老翁以作太平寺主神武壯其言使擁兵十萬專制河南仗任若已之半體

拜鎮東都

屈突通判陝東道行臺左僕射時從討王世充世充平論功第一拜陝東道大行臺右僕射鎮東都

中書令

歷代沿革
周官內史掌王之八柄掌書王命蓋其任也
漢有中書謁者令丞屬少府自武帝遊宴後庭始用宦者典事尚書謂之中書謁者置令僕射司馬遷被腐刑之後為中書令即其任也宣帝任中尚書官皆宦者為令僕射元帝亦以宦者為中書令謂中人為無外黨遂委以政事事無大小皆決之成帝改中書謁者令曰中謁者令罷中書官者更以士人為之
後漢省獻帝時魏武為魏王置秘書令典尚書奏事此又中書之任也
魏黃初初置中書令為秘書改令為監典尚書奏事又置監與令各一人秩並千石而中書典尚書奏事若密詔下州郡及邊將則不由尚書權自此重矣
晉監令並第

三品掌贊詔命記會時事與作文書舊尚書并掌詔奏故有中書官而詔悉由中書也東晉更重其職多以諸公領之中興之後以中書之任併入散騎省後復置之宋齊亦置監令梁中書監令並增秩至二千石陳因之以中書分為二十一局各掌尚書諸曹總國機要而尚書唯聽受而已後魏置監令各一人監為正一品令為正二品比齊依魏後周依周官春官府置內史中大夫二人掌王言蓋比中書監令之任後又增為上大夫隋文帝廢三公府僚令中書令與待中知政事遂為宰相之職煬帝十二年改為內書省唐武德初為內史省龍朔二年改令為右相光宅二年改內史開元初改紫微令宋中書令正十品以檢校官兼中書令謂之使相宋初

未定官制前異姓未有兼中書令者惟贈官有之太祖太宗時加中書令者惟趙普一人元中書省有中書令為宰相之職掌承天子平章萬機

羣書要語掌軍國之政令緝熙帝載統和天人入則告之出則奉之以釐萬邦以度百揆蓋以佐天子而執太政者也唐六典璧門天達鳳沼神深絲綸王言出納帝命宋謝莊讓中書令表職掌詔命王獻之中書令啓

古今事實

銅印軺車

晉制中書令銅印墨綬進賢兩梁冠絳朝服佩水蒼玉乘軺車

鳳閣鸞臺

自隋唐以來除改百官必有詔勅而其制蓋須申中書門下省故劉樹之云不經鳳閣鸞臺何謂之勅

尊寵任職

前漢司馬遷既被腐刑之後為中書令尊寵任職

賢明選士

蕭望之以中書政事且以賢明之選自武帝遂宴後庭故用官者非因舊又違古不近刑人之義

朝端稱宜

太寧初蕭祖詔温嶠曰卿既以令望忠允之懷著於周旋且文清而旨遠宜居深密今特以卿為中書令朝端咸稱以為宜貴倖傾朝

石君防與弘恭皆少年腐刑為黃門以選為中尚書宣帝時任中書官以恭為令君防為僕射恭以君防為令貴倖傾朝

中書並掌

魏黃初中改秘書為中書以劉放為監孫資為令遂並掌機密歷文明齊王二世

中書專任

蔣濟字子通時中書監令號為專任濟上疏曰大臣太重者國危左右太新者身弊古之至戒也往者大臣秉政外內扇動陛下卓然自覽萬機莫不抵庸夫人臣匪不忠也然威權在下則衆心慢上勢之常也陛下既已察之於大臣願無忘於左右

中書五郎

晉諸公讚陳准為中書令張華為監國華俱處機密而推崇之
每至直詔書無不先示華了方措意華得詔書不復示准故
省中號准為中書五郎其從容如此

中書令公

高允為中書令魏文帝重之不名呼為令公

同車異車

晉記初中監令常同車入朝及和嶠為令荀勗為監嶠意高抗
專車而坐乃使監令異車自此始

太令小令

晉陽秋中書王獻之卒以王珉為中書令世稱太王令小王令
珉父洽求和中為中書令至此珉復紹父人以為奕世令聞

可謂清官

敬季

晉王延之代張繼為中書令何偃嘆曰晉以子者李琰為此職
今以延之代繼為之可謂清官後接之者實為未易

曰真忠臣

高允為中書令高宗禮敬甚重晨入暮出或積百居中朝臣莫
知所論或有上書言得失者高宗省而謂群臣曰君父一也父
有是非子何為不作書而諫之使人知惡而家內隱處也豈有
以父親恐惡而彰於外地今國家善惡不能面陳而上表顯諫
此豈不彰君之短明己之美至如高允者真忠臣也

將授清顯

晉王洽為中書令年二十九將授之從允胡之遺書曰弟令

十九便居清顯要任敢不敬以先為弟各義讓之路焉若年至四五十之間雖復起登公輔亦非吾所豫况降此還者耶浴遂不拜

宜處機近

王珉傳詔曰新除侍中珉才學廣贍理識清通宜處機近以祭時務其以珉為長兼中書令

親幸草屋

高允拜中書令司徒陸麗曰高允雖蒙寵待而妻子不粒高宗是日幸允第草屋數間布被緇袍高宗歎息久之曰古人之清豈有如此即賜帛五百疋北史

召付紙筆

徐光幼有文才年十二王陽攻頓立掠光令抹馬光但書柱作詩賦左右以白石勒勒令召光付紙筆光立作頌賜衣服遷中書令後趙錄

啓乞授子

晉諸公璿華屢為中書監時多事不泄啓世祖乞授子蒼答詔先時荀勗為中書監病風復使息暢書啓事皆前後相承以子弟管之

表乞除監

王道表曰臣表乞得中書監持節專一所司端誠保傳惟力是視有詔曰昔荀公曾從中書監為尚書令人賀之乃發恚曰奪我鳳凰池卿諸人賀我耶願足下處之勿疑

宰相參領

王獻之為中書令。啓瑯琊王為中書監。表曰：中書職掌詔命，非輕才所能獨任。自晉建國常命宰相參領，中興以來益重其任。故能王言彌敬，德音四塞者也。

內樞兼管

宋泰始起居注王言之職，總司清要。中將軍丹陽尹王景文夙尚弘簡，情度淹粹，忠規茂績，實資國道。宜兼管內樞，以重其任。

平和有文

吳志：胡冲平和有文幹。天紀中為中書令。

言語辨捷

張尚有俊才。孫皓時為侍郎，以言語辨捷見知，擢為侍中。中書

風儀秀逸

後魏任城王澄為中書令。蕭順使庾華來見，澄音韻適雅，風儀秀逸。謂主客郎中張尋曰：往魏任城以武著，今以文見，美也。

進止詳華

唐溫彥博遷中書令。突厥降，詔議所以安邊者。彥博請如漢置降匈奴五原塞，以為捍蔽。與魏徵廷爭，徵不勝其辨。天子卒從之。其後突厥可汗弟結杜謀反，帝始悔云：彥博善辭令，每問四方風臚，傳誥命，若成誦然。進止詳華，人皆拭目觀。高祖嘗宴群臣，遣秦王諭旨，既而顧左右曰：何如？溫彥博

若失一臂

薛收子元超拜中書令，兼左庶子。帝幸東都，留輔太子監國。手

勅曰朕留卿若失一臂顧太子未習庶務關中事卿悉專之

為第一功

房元齡太宗即位為中書令第功班賞與杜如晦長孫無忌尉遲敬德侯君集功皆第一

執政事筆

裴炎輔太子是為中宗改中書令舊宰相議事門下省號政事堂長孫無忌以司空房元齡以僕射魏証以太子太師皆知門下省事至炎以中書令執政事筆故從政事堂於中書省

介奸黨間

蕭至忠為中書令時宗楚客懷奸植黨而韋巨源楊再思李嶠務自安無所弼正至忠介其間獨不詭隨時望翕然歸重帝亦

曰宰相中至忠最恨我

父子相失

崔湜拜中書令時父挹以吏部尚書得謝而性貪數為人請託以于湜湜多不從由是父子相失玄宗在東宮數幸其第申款密
○妻子不粒
見前親幸草屋注

一頁相逼

初嘉貞在兵部而張說已為侍郎及皆相說位在其下議論無所讓故說不平未幾嘉祐拜金吾將軍兄弟要近人頗憚媚帝幸太原嘉貞以職聞說論嘉貞素服待罪不謁遂出為幽州刺史說代其處嘉貞銜悔謂人曰中書令幸一頁何相逼如此

四俊見稱

嘉貞性簡疏與人不疑所薦中書舍人苗延嗣呂太一考功員外郎負嘉靜殿中侍御史崔訓皆位清要日與議政事故當時稱曰令君四俊苗呂崔貞

倡封禪議

張說進中書舍人倡封禪議受詔與諸儒草儀多所裁旨

撰封禪頌

東封還為尚書右丞兼中書令詔說撰封禪壇頌刻之太山以夸成功初源乾曜不欲封禪說固請乃不相平及升山執事官當從者說皆引所厚超階五品從兵惟加勲而不賜眾怨其專屏風隔坐

紀騰景皇時為中書令騰父亮為尚書令每朝會輒以屏風

殿前再拜

太安元年有胡人入雲龍門殿前再拜曰我當作中書監令付都虞候治之

創綠野堂

裴度徙東都留守加中書令時闡取擅威天子擁虛器縉紳道喪度不復有經濟意乃治第東都集賢里鑿山穿池竹木叢萃有風亭水榭梯橋架閣又於午橋創別墅花木萬株中起涼臺署館號綠野堂與白居易劉禹錫為文章把酒窮晝夜相歡不問人間事而帝知度年雖老而精神不衰每大臣自洛來必問度安否開成三年以病而還東都真拜中書令

進金鏡錄

張九齡為中書令時天長節百官上壽多獻珍異唯九齡進金鏡錄五卷言前古興廢之道上賞異之

衣錦書遊

魏元忠為右僕射兼中書令請歸鄉拜掃特賜錦袍一領銀千兩并給千騎四人充其左右手勅曰衣錦書遊在乎茲日散金敷惠諒屬斯辰

布衣位相

岑文本始為中書有憂色母問之荅曰非歎非獲貴重位高所以憂也有來慶者輒曰今日受用不受賀或勸其營產業文本歎曰吾漢南丁布衣徒步入關所望不過祕書郎縣令爾今無汗馬勞以文墨位宰相奉稍已重尚何殖產業耶故口未嘗言

家事既任職久資賜豐饒皆令弟文昭主之

力諫遜位

郝處俊遷中書令帝多疾欲遜位武后處俊諫曰天子治陽道后治陰德陽之與陰各有所主不相奪也况天下者高祖太宗之天下也陛下為子而守之不宜持國以與人

自後缺位

玄宗時宰相蕭嵩加中書令自張說為中書令後缺此位四年嵩得之常帶河東節度使

掌文誥職

張九齡一代詞宗為中書令引韋陟為中書舍人與孫逖梁涉對掌文誥時人以為美談

有刀筆才

吳薛瑩條例吳事曰胡中意性調美心識解暢有刀筆才閉於時事為中書令雖不能匡矯亦自守不能苟求容媚

奪我鳳池

荀勗自中書監為尚書令人賀之乃發惠曰奪我鳳凰池何賀之有

指謂雞樹

劉放孫資共典樞要夏侯嬰心內不平殿中有雞棲樹二人相謂此亦能幾指謂放資也

命停嚴鼓

太宗車駕征遼中書令岑文本平帝親臨視撫之流涕其夕帝

聞嚴鼓三聲曰文本殞逝情深惻怛今宵夜警所不忍聞命

索焚表章

馬周為中書令臨終索陳事表章帙手自焚之慨然曰以官案彰君之過求身後之名吾弗為也

身為安危

郭子儀為中書令二十四考以身為天下安危言行錄

請言優劣

唐開元二年紫微令姚崇奏紫微舍人六身每議事請舍人同簽狀凡事有是非理均與奪人心既異所見或殊抑使雷同情有不可盡臣以為執見不同者望請別作連本狀同奏若狀語交牙恐煩聖思臣既見官長望於兩狀後更言一理優劣聽進止

則人各盡能官無留事勅曰可

開國舊勳

宋趙普端拱初三入相稱疾上表致仕以普為西京留守河南尹加中書令懇辭再四太宗賜手詔曰開國舊勳惟卿一人而已不同他等毋即固避

台樞令德

王且罷相薨翰林學士承旨李淮等奏議曰太尉王且踐歷台樞將二十載紀律用張方夏咸服諄然令德洽乎民瞻贈太尉中書令

古今文集

雜著

韓通贈中書令制

劉敞

易姓受命王者所以徇至公臨難不苟人臣所以明大節具官定交霸府委質前朝荷戈共歷於艱貞錫壤迭分於戎律朕以三靈睠祐百姓樂推言念元勳方疇異渥蒼黃遇害良用撫然追升浴鳳之池式表潛龍之舊

新編古今事文類聚新集卷之五

事文類聚新集

卷之五

十五冬

新編古今事文類聚新集卷之六

新編古今事文類聚新集卷之六

南江 富大用 時可 編

金陵 唐富春 子和 刊

都省部

左右丞相

歷代沿革黃帝得六相而天地治堯以舜宅百揆舜舉八元八愷為十六相成湯始置二相伊尹居右仲虺居左高宗得傅說爰立作相置諸左右周公為保周公為師相成王為左右秦悼武二年始置丞相官丞奉相助也昭襄始以穰里疾其茂為左右丞相漢高帝初置丞相十一年更名相國孝惠高后置左右丞相文帝即位周勃為右丞相位第一陳平

為左丞相位第一勃免平專為丞相武帝用劉屈氂為左丞相分官屬為兩府唐其右以待四方之選哀帝元壽二年更名大司徒東京不復置至獻帝建安十三年復置魏黃初元年改為司徒文帝復置中書監令並掌機密自是中書多為樞機之任後置大丞相第十品又有相國晉罷丞相復司徒永昌元年罷司徒并丞相後或有相國或丞相省置無常而中書監令常管機要多為宰相之任宋孝武以義宣為丞相而司徒府如故齊以丞相為贈官梁罷相國置丞相置司徒陳又置相國位丞相上並為贈官魏晉以求宰相但以他官參掌機密或委知政事無有常官其相國丞相或為贈官或闕不置其真為宰相者不居此官後周置大冢宰其後亦置

左右丞相及楊堅為大丞相遂罷左右丞相隋有內史納言是為宰相亦有他官參與焉唐世宰相名尤不正初以三省長官中書令侍中尚書令共議朝政此丞相職也其後以太宗嘗為尚書令臣下避不敢居其職由是僕射為尚書省長官與侍中中書令號為宰相品位既崇不欲輕授嘗以他官居宰相而假以他官如同中書門下三品及平章事知政事參知機務參與政事及平章軍國重事之名是也武后龍朔元年改侍中為左相中書令為右相尚書僕射為文昌後復改易宋公唐制以三公至列曹侍郎同平章事為宰相神宗新官制於三省置侍中中書尚書一令虛而不除以尚書左右僕射兼門下中書侍郎為兩相然中書揆而議之門下審

而復之尚書承而行之則是首相不復與朝廷議論夫元祐初司馬公相乃請令三省合班奏事分省治事紹聖以後皆因之時議者謂門下相凡事既同進呈則不應自駁已行之命是省審之職可廢也政和中蔡京以太師總領三省號公相乃廢尚書令改待中中書令為左輔右弼亦虛而不除改左右僕射為太宰少宰仍兼兩省侍郎靖康中何文縝將拜相乃先乞復太宰少宰為僕射吳正伸當制請更為丞相不從建炎二年呂元直初相議者請併三省為一於是元直解中書侍郎改同中書門下平章事乾道七年十二月詔改尚書左右僕射為左右丞相元置左右丞相位在尚書令之下平章政事之上

羣書要語咨四岳有能奮庸熙帝之載使宅百揆亮采惠舜典納於百揆百揆時敘同上允釐百土庶績咸熙帝曰疇咨若時登庸同上帝曰臣作朕股肱耳目益稷乃歌曰股肱喜哉元首起哉臯陶拜手稽首乃賡載歌曰元首明哉股肱良哉庶事康哉同上實維阿衡實左右商王長發夢帝賚予良弼以代予言乃審厥象俾以形旁求于天下說築傅巖之野惟肖爰立作相置諸左右若濟巨川用汝作舟楫若歲大旱用汝作霖雨說命肅肅王命仲山甫將之邦國若否仲山甫明之烝民王命仲山甫式是百辟王躬是保出納王命王之喉舌衮職有闕惟仲山甫補之並同上理百官而察萬民平邦國而和天下楊盈川集登明選公雜進巧拙紆餘為妍卓犖為傑校短量長惟器

是適者宰相之友也韓進學解宰相所以代天者也輔贊彌縫

而藏諸用使斯人出而不知非明哲易臻是歟唐房杜贊當左

輔右弼之寄總代天利物之名典頌百僚陶融景化唐代宗大

曆二年詔九功不敘咨爾緝熙五品不時咨爾寅亮必廣大其

志無瞰察為公常其道以秉彜裕其體以臨下唐李絳制位愈

高而士愈戴祿愈厚而人愈懷唐元稹加階制從容昂位光贊

大猷元冕赤鳥在帝左右又云推忠道善達四方之志弘往納

來成天下之務杜佑碑武明七德文洽九歌棟才斯全鼎味以

適呂蒙正集宰相者上熙陛下覆壽之恩下遂羣生性命之理

以正百度以和四時韓文啓黃扉而燮五緯躡青帷而調四序

孔稚圭為王敬則讓司空表天方齊宇人具瞻爾張弘靖制

詩句絳灌歸衡宰后漢酈炎詩皇佐揚天惠四時無交兵曹子

建一氣轉洪鈞杜大厦須異才廊廟非庸器榮公鼎軸老京

幹力健倔韓文公貴相山瞻峻清文王絕瑕同上穆契光虞夏

伊呂翼商周南史王儉少有宰相志材館經春瑞氣浮當時曾

約相車遊白樂天平生五色線願補舜衣裳杜牧早歲天教作

霖雨明時帝用補龍山王建上張相公終當持一筆再入福蒼

生劉夢得送令狐相公有官居鵠鶴無地起樓臺魏野上寇萊

公一戰文場拔趙旗便調金鼎佐無為王仁裕上傳相國玉鼎

升黃閣金童謁紫宸任希古今朝靜聽丹禁漏尚疑身在玉堂

中歐詩但令端委坐廟堂北狄西戎談笑了坡詩不羞老圃秋

容淡且看寒花晚節香韓魏公詩舜舉十六相身尊道何高杜

子美詩

吾愛身與社魁然真宰輔黃閣二十年清風一萬古唐

皮日休

左轄頽虛位今年得舊儒相門韋氏在經術漢臣須杜

霖雨思賢佐丹青憶老臣應圖求後馬驚代得麒麟沙汰江湖

濁調和鼎鼎新杜十年紫殿掌洪鈞出入三朝一品身文帝寵

深陪雉尾武皇恩厚宴龍津李德裕詩

古今事實

黃閣朱門

鄭玄云朱門洞啓當陽之正色三公與天子禮秩相亞故黃其閣以示謙不敢斥天子疑是漢舊制也又漢舊儀丞相聽事閣曰黃閣

金印紫綬

漢丞相金印紫綬黃扉黑幡所以異車服於百辟也百官制又

丞相相國皆秦官金印紫綬掌丞天子助理萬機同上又天子

之相號為丞相黃金印而尊無敵秩加二千石之上賈誼新書

柱石之臣

丞相王商國家之柱石臣也其人守正不詘節前元后傳又宰

相國家柱石不可不強吳陸凱傳

棟梁之用

隋大業中高孝基謂之曰公有應變之才當為棟梁之用又宰

相之門豫章枯柏雖小已有棟梁之器南史陸凱傳

有宰相器

何武初為郡吏時太守何壽知武有宰相器前本傳又寇恂明

經行修名重朝廷所得秩俸厚施朋友及從吏常曰吾因士大夫以致此可獨享之乎時人歸其長者謂其有宰相器又孟康薦崔琳曰切見可隸崔琳牧守州郡所在而治及為分司萬里肅齊誠合輔之妙器衮職之良材後崔琳傳

有宰相體

後朱浮論吳起與田文論功不及者二朱買臣難公孫弘十策弘不得其一終之田文相魏公孫宰漢誠知宰相自有體也

五龍夾日

狄仁傑蒙耻奮忠以權大謀引張柬之等卒復唐室功蓋一時而人不及知故呂溫頌之曰取日虞淵洗光咸池潛授五龍夾日以飛世以為知言本傳

一柱承天

姚崇與張說有隙崇久謂其子曰我死張說來弔爾以我平日寶玩畫列于前如說屬目即舉以獻之就問其求神道碑總得即模刻以示外此人見遲稍緩即悔彼不顧則吾族無唯類矣子如其言說來果屬目稱去後即以獻之遂求所為文說許之故其碑曰一柱承天高明之位列四時成歲享壽之功深後說悔來索則碑已模刻矣說歎曰死姚崇猶能笑生張說後譜不行唐紀

論功第一

漢高祖五年論功行封上以蕭何功最盛先封為鄴侯功臣皆曰蕭何未嘗汗馬之勞徒持文墨議論又論位次皆曰曹參

身被七十創，破城畧地，功最多，宜第一。鄂千秋曰：曹參野戰畧地之功，此特一時之事耳。漢與楚相守，滎陽數年，軍無見糧，蕭何轉漕關中，給食不乏，全關中以待陛下，此萬世之功也。今雖無參等百數，何缺於漢？奈何以一旦之功而加萬世之功哉？蕭何當第一，曹參次之。

人物第一

唐李揆同平章事，帝曰：卿門地人物文學皆當世第一。信朝廷之羽儀乎。本傳

一代冢臣

蕭何曹參皆起秦刀筆吏，碌碌未有奇節。漢興，依日月之末光，位冠群公，為一代冢臣。蕭曹本贊

一代偉人

姚狄蘇宋皆一代偉人，或二入相，再入相，未有不久於其事，能成令名焉。柳氏家學文

漢室伊周

周勃登輔佐正國家，難誅諸呂，立孝文為漢室伊周。前周勃傳

江左夷吾

晉桓彝傳王道為丞相，彝見導極談世事，還謂周凱曰：向見江左管夷吾，無復憂矣。

蕭曹丙魏

近觀漢相高祖開基，蕭曹為冠，孝宣中與丙魏有聲。丙上口贊

房杜姚宋

唐二百年輔弼者不為少獨前稱房杜後稱姚宋相繼為相崇善應變成務瓊善持正守法三人志操不同然叶心輔佐使賦役寬平刑罰清省百姓富庶唐世賢相前稱房杜後稱姚宋他人莫得比焉姚宋贊

蕭曹畫一

蕭何曹參聞之告舍人曰趣治行吾且入相使者果召參參代何為相事無所變更遵何之約束百姓歌之曰蕭何為法講若畫一曹參代之守而勿失載其清靜民以寧本傳

丙魏相濟

漢魏相為相丙吉代之相嚴毅吉能濟以寬同心為政上皆重之

謝安風流

王儉曰江左風流宰相惟有謝安蓋自况也南史

嘉貞風操

初天兵使張嘉貞入朝或告其反按無狀帝令坐告者嘉貞辭曰國之重兵利器皆在邊今告者一不當即罪之恐塞言路天子以為忠且許以相及宋璟罷帝欲果用嘉貞而忘其名詔韋抗曰朕常記其風操今為北方大將張姓而復名因閱表疏遂得其名即為中書侍郎同平章事本傳

不對錢穀

周勃為右丞相上問勃一歲決獄幾何勃謝曰不知問錢穀一歲出入幾何反謝不知上問陳平曰各有主者上曰君主何事

曰宰相者。上位天子。理陰陽。順四時。下遂萬物之宜。外鎮四夷。諸侯內撫百姓。使卿大夫各任其職。王陵傳

不問關傷

丙吉出逢羣鬪者。死傷橫道。吉過之。不問。前行逢人逐牛。牛喘吐舌。使騎問逐牛行幾里矣。掾吏謂前後失問。吉曰。民鬪傷京兆尹。職當禁捕。宰相不親小事。非當於道路問也。方春牛喘。此時氣失節。恐有所傷。三公典調陰陽。職當憂是以問之。掾吏乃服。以吉為知大體。魏相傳

遜直濟文

太宗定禍亂。而房杜不言功。王魏善諫。而房杜遜以直。英衛善兵。而房杜濟以文。房杜贊

應變守文

姚崇善應變。以成天下之務。宋璟善守文。以持天下之正。天所以佐唐使中興也。姚崇贊

同管朝政

如晦與元齡同管朝政。引士賢者。下不肖。咸得其職。當時浩然歸望。房杜贊

不問訟牒

太宗謂房元齡曰。公為僕射。當廣朕耳目。助訪賢才。比閱訟牒。日數百。豈暇求人哉。乃勅細務屬左右丞。大事關僕射。房元齡傳

興仆植僵

太宗用元齡。如晦於大亂之後。紀綱彫弛。而能興仆植。僵使號

令典刑燦然罔不全雖數百年猶蒙其功然求所以致之之蹟遠不可見房杜贊

獻可替否

唐蘇頌與宋璟同當國相得歡甚璟曰吾與蘇氏父子同為宰相僕射長厚自是國器若獻可替否事至即斷畫公不顧私則今丞相過之通鑑

不負天子

陸贄為相所言皆拂帝短或規其太過對曰吾上不負天子下不負所學唐本傳

總領衆職

前魏相字翳翁宣帝即位遂為丞相帝始親萬機厲精為治練

羣臣核名實而相總領衆職甚稱上意本傳

開誠布公

蜀先主即帝位策亮為丞相曰丞相其輔朕之闕助宣重光以照明天下評曰亮之為國也撫百姓示儀軌約官職從權制開誠心布公道可謂識治之良材諸葛亮傳

同心濟謀

唐杜如晦方為相時天下新定臺閣制度憲物率二人討裁每議事帝所如晦長於斷而元齡善謀二人深相知故同心濟謀以佐佑帝故當世語良相必曰房杜本傳

憂邊思職

前丙吉代魏相為丞相吉馭吏出見驛騎馳赤白囊馭吏隨至

公車知虜入雲中吏歸白狀吉召東曹案邊長吏科瑣條其人
詔問虜所入郡邑吉具對見謂憂邊思職本傳

薦賢助國

李吉甫執政謂裴垣曰比日人物吾憐不及知君精鑒謂我言
之垣即崖略疏二十許人吉甫籍以薦于朝天下稱得人薦賢
助國宰相之職也

開閣延賢

公孫弘既相於是起客館開東閣以延賢人一日欽賢館以待
大賢次日翹材館以待大材次日接士館以待國士其有德任
毗贊佐理陰陽者處欽賢之館其有材堪九列將軍中二千石
者居翹材之館其一介之善一方之藝者居接士之館躬自菲

薄俸祿皆以給之西京雜記

起家薦人

田蚡以肺腑為相起家薦人或至二千石權移主上本傳

為真宰相

隋高穎有文武之大畧明達政務朝野推服議者以為真宰相
本傳又謂魏相真漢相識兵略達時令文中子又王商有威

重容貌絕人單于來朝商坐未央廷中單于前拜謁商離席與
言單于仰視商貌大畏之遷延却退天子聞而歎曰真漢相矣

為救時相

唐姚崇在告政事委積元宗謂盧懷謹曰朕以天下事委崇以
卿坐鎮雅俗耳崇出須臾裁決俱盡顧謂齊澣曰余為相可比

何人未對崇曰何如管晏瀚曰管晏之法雖不能施於後猶終其身公所為法隨復更之祇可謂救時相崇曰救時相豈易得哉

以春秋相

自公孫弘以春秋之義繩臣下取宰相前食貨志

以明經相

韋賢為丞相少子玄成復以明經歷位至宰相故鄒魯諺曰遺子黃金滿籩不如教子一經本傳

布衣登相

漢制常以刻侯為相唯公孫弘布衣登相位武帝乃封為平津侯其後為故事至丞相而封自弘始通典

宗室進相

唐宰相以宗室進者九人林甫幾亡天下李程和柔在位無所發明其餘皆以材稱職號為賢宰相唐贊

一日台司

唐王徽為相只一日中書五年二月除昭義節度徽上表乞免詞曰六年內署雖叨捧日之榮一日台司未展致君之懇南都新書

一歲至相

唐李訓起流人一歲而至宰相

二暮至相

張鎬起布衣二暮而至宰相

十年至相

李絳十年之間位至宰相

八十為相

張東之為相年且八十矣

二十三年

房元齡以盛德居相位二十三年

二十四考

郭子儀校中書令二十四考

為兩朝相

隋高穎事文煬兩朝有文武大略執政將二十年朝野推服論者謂真宰相

再升三入

唐宰相再入者長孫無忌狄仁傑李吉甫三人者劉幽求張延賞鄭畋四人者裴巨源姚元崇韋安石五人者蕭瑀裴度職源又宋璟謝朓云再入各座三人冢司

十拜四登

裴度十拜相詔四登師壇除平章事制

父子至相

前漢平雷傳云漢興惟韋平父子至宰相又唐戴胄子至德父子繼為相

兄弟並相

下粹以清辨兄弟六人並登宰輔世稱下氏六龍入如父年

唐李吉甫年五十一出鎮淮南五十四復相今德裕自鎮南外入相一如父之年

八葉皆相

唐蕭瑀傳自瑀逮遇凡八葉皆宰相名德相望與唐盛衰世家之盛古未有也

繼踵皆相

後楊震論延光之間震為上相抗直方以臨權柱先公道而後聲名可謂懷王臣之節識所任之體矣遂累葉載德繼踵宰相信哉先世韋平方之蔑矣贊曰楊氏載德乃世柱國

九十八族

唐宰相二百六十九人九十八族其盛有如此者

輩行不名

陸贄以才幸天子常以輩行呼而不名

尊任不名

李吉甫還秉政入對延英凡五刻罷帝尊任之官而不名

詔賜堂封

唐源乾曜同案徵黃門平章事帝詔中書門下共食實戶二百堂封自此始並同上

詔給堂餐

唐開平詔丞相尊位而堂廚未給無餐錢其令日食萬錢之半

賜白羽扇

張九齡在位。因帝賜曰。勿為所獻賦。末自况曰。苟效用之得所。雖殺身而何忘。本傳

賜熟金銘

鍾繇魏國初建拜相國文帝在東宮賜繇五熟金銘曰於赫有魏作漢藩輔厥相惟鍾實幹心膂靖恭夙夜匪違安處百僚師師楨茲度矩三國志本傳

賜劬表直

宋璟為宰相朝野人心歸美焉。時春御宴帝以所用金劬令內臣賜璟。雖受所賜莫知其由。帝曰。非賜汝金蓋賜卿劬以表卿直也。開元遺事

賜酒賞言

李吉甫盛贊天子德憲宗欣然終曰。今日西戎內訌烽燧相接誠陛下焦心求濟時之累。渠便高枕而臥哉。帝入謂左右曰。終言骨鯁。真宰相也。遣使者賜醪醕酒。唐李終傳

拜相沙堤

唐故事凡拜相之後禮絕班行。府縣載沙填路。自私第至于城東街。名曰沙堤。

朝會火城

每元日冬至大朝會百官已集而宰相方至。珂傘列燭。多至數百炬。謂以火城。宰相火城至則衆皆滅燭以避之。李肇國史補

金甌覆名

唐元宗命相皆先御書其名案上。會太子入侍上舉金甌覆其

名而生身曰此宰相名也汝知其誰耶射中賜后酒肅宗曰非
崔琳盧從願乎上曰然通鑑

紗籠護身

唐下者胡蘆生卒下甚驗李藩嘗問生生日貴人也在紗籠中
李問所由終不復言後有新羅生言宰相冥司必潛以紗籠護
之恐為異物所擾也唐紀

以銀為信

鄴侯傳代宗欲相泌元載忌之帝不得已出泌約曰後召當以
銀為信忽除銀青光祿大夫泌知載敗已且相矣未幾果然
諺稱以信

唐制政事堂不接客自元載為相中人傳詔者引升堂置榻待

之李峴去即敕更撤去唐志

去卿失左右手

房元齡為相十五年以權寵隆極累表辭位帝遣使謂曰遜誠
美德也國家相眷賴久一日去卿如亡左右手本傳

去卿如斷一臂

高宗幸洛陽詔薛振與太子居中上曰朕之留卿若去一日若
斷一臂關西重事悉以委卿本傳

槐枝應相

相國李石河中永樂有宅庭槐一本抽三枝直堂合屋脊一枝
不及相國同堂兄弟三人曰石曰程皆登宰執惟福一人歷七
鎮使相

事類彙編卷之六十五

槐音入相

唐尚書省南門有古槐垂陰至廣相傳夜深聞絲竹之音省中即有入相者俗謂之音聲木見因話錄

焚香擇相

唐廢帝欲擇宰相問於左右皆言盧文紀及姚顛有人望廢帝因悉書清望官內琉璃瓶中夜焚香祝天以籤決之首得文紀欣然相之五代史

經函龍骨

僕射裴遵慶母皇甫氏少時常持經經函中有小珊瑚樹異時忽有小龍骨一具立於側時人以為裴氏祥上元中遵慶遂居宰輔云廣異記

宰相金榜

崔昭暴死復生云見冥間列榜備書人間姓名將相列金榜其次列銀榜州縣並列長鐵榜曉之唐書

夢神授筆

五代唐末帝時馬裔孫赴闕宿遷府其地有神祠夜夢神手授一筆及為翰林學士裔孫以為契夢筆之兆洎入中書上政事堂吏奉一筆如夢中所授者太平廣記

夢錦半臂

正元中相國竇參為御史中丞嘗一夕夢德宗召對於便殿以錦半臂賜之默念曰臂者庇也大邑所以庇吾身也今夢半臂者豈上以某叨居顯位將給半祿俾我致政乎客有解曰半臂

者被股肱之衣也。今公夢天子賜之，豈非上將以股肱之位而委公乎？明日果拜中書侍郎平章事。出宣帝志

夢金字牌

唐杜相鵬舉，父夢有所之見，一太碑云是宰相碑也。已作者，金填其字，味作者列名于上。杜問曰：有杜家兒否？曰有。任自看之，記得姓下其鳥，偏傍曳脚而忘其字，乃名鵬舉。鵬舉生鴻漸，而名字亦前定矣。嘉話錄

一言寤主

漢田千秋無他材能術業，特以一言寤主，旬月取宰相，世未有也。

十事要君

姚崇以十事要說天子，而後輔政，顧不偉哉。姚崇傳贊

懷慎伴食

盧懷慎開元中遷黃門監，與紫微令姚崇對掌機密。懷慎自以吏道不及崇，每事皆推讓之。時人謂之伴食宰相。

味道模稜

蘇味道前後居相位數年，不能有所發明，依違其間，苟度取容而已。嘗謂人曰：處事不欲決斷明白，若有錯誤，必貽咎譴，但模稜以持兩端可矣。時人由是號為蘇模稜。

立本丹青

唐闡立本既輔政，但以俗材應務，無宰相器。姜恪以戰功擢左相，時人有語左相宣威沙漠，右相馳譽丹青。

妄勇千秋

武帝征和二年以田千秋為丞相千秋無材能學術又無閥閱功勞特以一言竊意旬月取宰相世未有也後漢使至匈奴單于怪而問之曰聞漢初拜丞相以何用得之使者以上書言事故單于曰苟如是非用賢也妄一男子上書即得之矣本傳

歇後鄭五

鄭察每以詩謔託諷中人有誦之天子前者昭宗意其有所蘊未盡因有司上班簿署其側曰可禮部侍郎同中書門下平章事察不善詩其語多俳故使落調世共號鄭五歇後體至是省吏走其家上謁察笑曰諸君恨矣人皆不識字宰相亦不及我吏言不妄俄聞制詔下歎曰萬一然笑殺天下人既視事宗威

請慶搔首曰歇後鄭五作宰相事可知矣固讓不聽立朝偏然無復故態

指鹿為馬

李斯既死趙高為丞相事無大小輒決於高高欲為亂恐群臣不聽乃先設驗持鹿獻二世曰馬也二世笑曰丞相誤邪謂鹿為馬問左右左右或默或言馬以阿順趙高或言鹿者高因陰中以法後羣臣皆畏趙高遂有望夷之禍

牽大逐兔

秦用李斯之計二十餘年竟并天下尊秦王為皇帝以斯為丞相及二世即位聽趙高之譖使高按斯下獄榜掠千餘不勝痛自誣服斯自負於國有功實無反心乃從獄中上書趙高使吏

棄去弗奏於是具斯五刑論腰斬咸陽市斯出獄與其中子俱執顧謂子曰吾與汝復牽黃犬俱出上蔡東門逐狡兔可得乎父子相哭而夷三族

味道春雪

唐武后時三月大雨雪蘇味道以為瑞率羣臣入賀王求禮曰宰相調燮陰陽而季春雨雪乃災也果以為瑞則冬月雷渠為瑞雷耶

景佺秋花

唐武后嘗季秋以梨花示宰相以為祥衆賀杜景佺曰陰陽不相奪倫瀆即為災今草木黃落而木復花瀆陰陽也恐陛下布德施令有所虧紊臣位宰相助天治物而不和臣之咎也頓首

請罪武后曰此真宰相也

曩稱亡鏡

太宗嘗謂侍臣曰夫以銅為鏡可以正衣冠以古為鏡可以知興替以人為鏡可以明得失朕嘗保此三鏡以防已過今魏徵傾逝一鏡亡矣

命停嚴鼓

太宗擬伐遼時岑文本為中書令凡所籌度一以委之文本受委既深神情頓竭言辭舉措頗異平常太宗見而憂之謂左右曰文本與我同行恐不與我同返及至幽州遇暴疾而終其夕太宗聞嚴鼓之聲曰文本殞逝情深測懼今宵夜警所不忍聞命停之

早稲田大学図書館

011488554206